

**ASO SA 02 IANUARI 2022**  
**FA’AFOUINA**

**MANATU AUTŪ: AMATAGA FOU.**  
*(A New Beginning)*

**Tusi Faitau:** Kenese 8: 15 – 22  
**Matua:** Kenese 8: 20

**“Ona faia lea e Noa o le fata faitaulaga i le Ali’i; ua avea fo’i e ia nisi manu i manu vaefa uma e mamā, ma manu felelei uma e mamā, ua ia fai a’i taulaga mū i le fata.”**

**Vaega:**

1. Aua le fa’avaivai pe a feagai ma fa’afitauli.
2. Taua le loto fa’afetai.
3. O nuanua o le feagaiga.
4. O le lau olive mata.

**ASO SA 09 IANUARI 2022**

**MANATU AUTŪ: ALOFA O LE ATUA.**  
*(God’s Love)*

**Tusi Faitau:** Esoto 1: 8 - 14  
**Matua:** Esoto 1: 8

**“Ona nofo mai lea i le malo o Aikupito o le tupu fou na te lei iloa Iosefa.”**

**Vaega:**

1. Ua lē soso’o afā ma maninoa.
2. E tele auala a le fili, a e sili ai ona tele auala a le Atua.
3. E lavea’i e le Atua le tagata lē mautonu.
4. O ō tatou ala, e lē o le finagalo lena o le Atua.

**ASO SA 16 IANUARI 2022**

**MANATU AUTŪ: LA’ASAGA FOU.**  
*(The Next Level)*

**Tusi Faitau:** Mareko 1: 9 – 13  
**Matua:** Mareko 1: 10

**“Ua maliu a’e o ia nai le vai, ona iloa loa lea e Ia o le lagi ua masae, ma le Agaga ua afio ifo i ona luga, e peiseai se lupe.”**

**Vaega:**

1. E fa’alauiloa i tatou e le Atua, pe a tatou lelei.
2. E ao ona fa’ataunu’u mea tonu uma.
3. O le galuega o le salamō, o le galuega mo tagata uma.
4. O le a se ata lafoia o le SALAMO i o tatou tagata lotu?

**ASO SA 23 IANUARI 2022**

**MANATU AUTŪ: O LE TOFA FA’A-LE-ATUA.**  
*(God’s Knowledge)*

**Tusi Faitau:** Fa’amasino 7: 2 – 7  
**Matua:** Fa’amasino 7: 7

**“Ona fetalai mai ai lea o le Ali’i ia Kitiona, O le tolu selau o tagata ē na etoeto i le vai, ou te fa’aola ai ia te outou, ma tu’uina atu Mitiana i lou lima, a o le nu’u uma ua totoe, ia ta’itasi ma alu i lona nu’u.”**

**Vaega:**

1. E lē o le to’atele, a o le loto tetele.
2. E tāua lou fesili i le Ali’i e maua mai ai lou fesoasoani moni.
3. Aua e te fa’alotoloto lua i le to’aitiiti, auā e fa’aatoa e le Atua.
4. O ai e te tu’ua’ifuaina pe a e ola faia’ina?

ASO SA 30 IANUARI 2022 ASO SA O TUPULAGA

MANATU AUTŪ: FA'ALOGO MA USITA'I E MANUIA AI.  
(Those who hear and obey, will be blessed)

Tusi Faitau: Fa'ataoto 3: 1 – 12

Matua: Fa'ataoto 3: 3 & 4

“Aua ne'i te'a ma oe le alofa ma le fa'amaoni, ia asoa ai i lou ua; ia e tusi ai i le papa o lou loto; ona e maua ai lea o le alofa ma le manuia lelei i luma o le Atua, atoa ma tagata.”

Vaega:

1. E leai se mea e maua ma le filemu.
2. O fanau o le tofi mai le Atua.
3. A lelei ona tapu'e fanau – ona manuia lea o ā taeao.
4. E to'atele tagata popoto, a e tau le maua ni tagata fa'amaoni.

ASO SA 06 FEPUARI 2022 FA'AFUINA

MANATU AUTŪ: SO'O SE MEA LAVA UA LELEI, E I AI FO'I MA LEAGA.  
(Where there is good, there is evil)

Tusi Faitau: Isaia 5: 1 – 7

Matua: Isaia 5: 4

“Se a ea se mea e toe faia i la'u tovine ou te lei faia? Se a fo'i le mea uafua mai ai vine leaga, a ua ou fa'atalitali ia fua mai ai vine lelei?”

Vaega:

1. O le ola femoumoua'i, e apo gofie i mala o le ala.
2. O le finagalo o le Atua, ia ola manuia le tagata.
3. Aua le fiu gofie.
4. Aua le fa'avaivai ona o le leaga.

ASO SA 13 FEPUARI 2022

MANATU AUTŪ: E LE LILO I TATOOU I LE SILAFAGA A LE ATUA.  
(We cannot hide from God)

Tusi Faitau: I Tupu 19: 9 – 18

Matua: I Tupu 19: 13

“Ua faalogo ai Elia, ona ufiufi ai lea e ia o ona mata i lona ofu tele, ma alu i fafo, ma tu i le gutu o le ana; faauta, ua o'o mai ia te ia le leo, ua fa'apea mai, Elia e, se a lau mea e fai iina?”

Vaega:

1. E silafia e le Atua ala o lana fanau fa'atuatua.
2. E lavea'i i tatou, pe a ua leai so tatou malosi.
3. Aua nei galo lo tatou vala'auina.
4. E afio le Ali'i i so'o se mea.

ASO SA 20 FEPUARI 2022

MANATU AUTŪ: MATIVA I LE AGAGA.  
(Poor in Spirit)

Tusi Faitau: Mataio 5: 3

Matua: Mataio 5: 3

“Amuia ē matitiva i le agaga; auā e o latou le malo o le lagi.”

Vaega:

1. O ai e agava'a i le malo o le Atua?
2. O le mativa i le Agaga. o le naunau lava lea i le Agaga.
3. E tāua lou iloa o le malo e te fai malo i ai.
4. O ā foliga o le fa'atumulia i le Agaga o le Atua?
- 5.

ASO SA 27 FEPUARI 2022

**MANATU AUTŪ: E LE FA'ATALI LE TAIMI MA LE TAI I LE TAGATA.**

*(Time and Tide wait for no man)*

**Tusi Faitau:** Failauga 9: 8 – 12

**Matua:** Failauga 9: 10

**“O mea uma ua e iloa e faia e ou lima, ina faia ia ma lou malosi aua e leai se galuega, po o se mafaufau, po o se iloa, po o se pototo i le tu'ugamau, o lo o e alu atu i ai.”**

**Vaega:**

1. Galue manū o maua lou malosi.
2. E tāua le fa'aaoga o le avanoa.
3. Aua le fa'atamala i lou vala'auina.
4. E tāua le fai mea fiafia mo le Atua.

ASO SA 06 MATI 2022 FA'AFOUINA

**MANATU AUTŪ: TAUTUA MATALILO.**  
*(Serve without being seen)*

**Tusi Faitau:** Kenese 18: 1 – 10

**Matua:** Kenese 18: 8 & 9a

**“Ua na ave foi o suāsusu to'a, ma suāsusu, ma le tama'i povi sa sagaosia e ia ua laulauina atu ai i o latou luma a o ia ua tu ane ia te i latou i lalo o le laau, ona latou a'ai lea. Ua latou fai atu ia te ia, O fea o i ai lau āvā o Sara**

**Vaega:**

1. O le soifua fia manuia e leai se mea e gata ai.
2. E lē tauanauina manuia o le Atua, ina ua malie le loto.

3. E tāua le galulue fa'atasi.

4. O le mea e te lūlū o le mea fo'i lena e te toe selesele.

ASO SA 13 MATI 2022

**MANATU AUTŪ: LE ATUA E! LAVEA'I I MATOU.**  
*(God! Save Us!)*

**Tusi Faitau:** Kenese 47: 4 – 10

**Matua:** Kenese 47: 4

**“Ua latou fai atu foi ia Farao, Ua matou o mai, matou te āumau i le nuu nei, auā ua leai ni mea e faga a'i lafu mamoe a au auauna ina ua velavela le oge i le nuu o Kanana; o lenei, pe e te finagalo ia nonofo au auauna i le laueleele o Kosenā.”**

**Vaega:**

1. E aogā le oge (puapuaga) e iloa ai isi galuega mamana a le Silisili ese
2. O le loto fa'amagalo e amata e oe.
3. O le ma'a na tuulafoa'iina, ua fai ma ma'a tulimanu.
4. E galue a le ALII i aso uma mo tagata uma.

ASO SA 20 MATI 2022

**MANATU AUTŪ: E FA'AMASINO E LE ATUA A TATOU FE'AU**  
*(God judges our works)*

**Tusi Faitau:** Kenese 4: 1 – 8

**Matua:** Kenese 4: 4e – 5a

**“Ua silasila mai le ALII ia Apelu, atoa ma lana taulaga; a e peitai o Kaino ma lana taulaga, ua ia le silasila i ai.”**

**Vaega:**

1. E silafia e le ALII o tatou ala.
2. Aua e te lima vale i le ALII.

3. Ia tausolomua i mea sili.
4. E fa’amanuia le Atua i mea lelei tatou te faia.

**ASO SA 27 MATI 2022**

**MANATU AUTŪ: O LE MANA O LE SUAFA O IESU  
KERISO.** *(The Power in the Name of  
Jesus Christ)*

**Tusi Faitau:** Galuega 3: 1 – 10

**Matua:** Galuega 3: 6

**“A ua fai atu Peteru, “E leai sa’u ario po o sa’u auro; a o le  
mea ua ia  
te au, ou te avatu lea ia te oe; o le suafa o Iesu Keriso le  
asareta, ou  
te fai atu ai, ina savali ia”.”**

**Vaega:**

1. E maua manuia i luma mai o le satauro, a e le tutusa ma manuia i  
tua atu o le satauro.
2. O le salamo moni, o se amataga malosi.
3. E tāua ario ma auro, a e sili ai ona tāua le suafa o Iesu Keriso le  
Nasareta.
4. O le a se mea e te toe mana’o ai i le Ali’i?

**ASO SA 03 APERILA 2022  
FA’AFOUINA**

**MANATU AUTŪ: O LE PULE A IESU.**  
*(Jesus’s authority/power)*

**Tusi Faitau:** Ioane 11: 38 – 44

**Matua:** Ioane 11: 41e

**“Ona tepa a’e lea o fofoga o Iesu, ua faapea atu, “Lo’u Tama  
e, ou te  
faafetai atu ia te oe, auā ua e fa’afofoga mai ia te au”**

**Vaega:**

1. E malosi le mana o le tatalo.
  2. O aiga e galulue fa’atasi i le fa’atuatua, e lavea’iina mai puapuaga o  
le ola
  3. So o se faiva lava, e lē asa lava ma se maumau.
  4. Aua nei avea i tatou ma tagata e tiga i mea lelei o faia e isi.
- ASO SA 10 APERILA 2022 ASO SA O LE LAUPAMA**

**MANATU AUTŪ: O AI ‘EA LENEI?**  
*(Who is this?)*

**Tusi Faitau:** Mataio 21: 1 – 11

**Matua:** Mataio 21: 10

**“Ua oo ia i Ierusalem, ona vevesi ai lea o le a’ai uma, ua  
faapea ane. O ai ea lenei?”**

**Vaega:**

1. O le lotonu’u moni, e iloa i aso faigata.
2. O le tagata vevesi o le tagata lē talitonu.
3. Ua e tapena mo le atali’i o le kamuta?
4. Toe fo’i Iesu i lona mamalu.

**ASO SA 17 APERILA 2022 ASO SA O LE TOE TU**

**MANATU AUTŪ: TU’UGAMAU AVANOA**  
*(Empty tomb)*

**Tusi Faitau:** Mareko 16: 1- 8

**Matua:** Mareko 16: 6

**“A ua fai atu o Ia ia te i latou, Aua tou te matatau; o loo outou saili ia Iesu le Nasareta o lē na faasatauroina; ua tu o ia; e le o iinei; ina matamata ia i le mea na latou tu’uina ai o ia”**

**Vaega:**

- 1 E au le inailau a Tina.
- 2 Usua’i i le tafa o ata i le Atua e maua ai manuia o le aso
- 3 O le galuega e tasi a e afe
- 4 O ā mea o loo mamafa ai le folauga a le tagata mulimuli ia Iesu?

**ASO SA 24 APERILA 2022**

**MANATU AUTŪ: O TATOU O TAGATA TAU MO LE ALI’I.**  
*(We are soldiers for the Lord)*

**Tusi Faitau:** Ieremia 12: 5 – 6

**Matua:** Ieremia 12: 5

**“Afa’i ua taufetuli ma tagata e femoei i le elele, ma ua e lailoa ia te i latou, pe faapefea ona e tausinio ma solofanua? Afa’i ua e nofo ma le lē mata’u i le nuu e filemu ai, se a se mea e te faia i le matagofie o Ioritana?”**

**Vaega:**

1. O le tagata tau a le Atua e fa’amoemoe i le malosi mai le Atua.
2. E lē tu’ulafoa’iina e le Atua ona tagata.
3. E lē popole le tagata faatuatua – ae popole le tagata palaai.
4. A tatou ‘au ma le Ali’i. O ai sē faasaga tau mai?

**ASO SA 01 ME 2022**

**FA’AFOUINA**

**MANATU AUTŪ: E AUMAI E LE ATUA LE FILEMU IA I TATOU.**  
*(God gives us Peace)*

**Tusi Faitau:** Kenese 33: 1 – 11

**Matua:** Kenese 33: 10

**“Ona tali atu lea o Iakopo, Aua lava, afai e te alofa mai ia te au, ia e talia mai lava**

**la’u mea alofa; auā o Ienei, ua ou iloa atu ou fofoga, e peiseai ua ou iloa atu**

**fofoga o le Atua, ma ua e finagalo malie mai ia te au.”**

**Vaega:**

1. E le pō pea se nu’u.
2. E tāua lou iloa o lou sese.
3. Amuia e fa’atupu ina le filemu, auā e ta’ua i latou o atali’i o le Atua.
4. E lē mafai ona e fa’amagalo atu, seiloga e fa’amagaloina oe.

**ASO SA**

**08 ME 2022**

**ASO SA O TINA**

**MANATU AUTŪ: TINA FA’ATUATUA.**  
*(Faithful Mother)*

**Tusi Faitau:** Luka 2: 36 – 38

**Matua:** Luka 2: 37

**“a ua oti lana tane; o ona tausaga ua tusa ma le valugafulu ma le fa. E lei alu ese ia i le malumalu, a ua auauna o ia i le Atua i anapogi ma talosaga i le ao ma le po.”**

**Vaega:**

1. O le tinā ua mau lona loto i le Atua.
2. E tāua fo’i lou sau i le falesa.
3. O lou soifua galue e tauia e le Atua.
4. Vaai po o fea e mafua ai ona le maua e o tatou o tina faamanuiaga mai le Alii?

**ASO SA**

**15 ME 2022**

**MANATU AUTŪ: E IAI LE ATUA I MEA UMA.**  
(*God's presence is everywhere*)

**Tusi Faitau:** Kenese 28: 10 – 15

**Matua:** Kenese 28: 15

**“Faauta foi, ou te i ai ia te oe, ou te tausi foi ia te oe i mea uma e te alu i ai, ou te toe faafoisia mai oe i le nuu nei; auā ou te le tuua oe, seia ou faia le mea ua ou fai atu ai ia te oe.”**

**Vaega:**

1. Aua e te manatu māmā i au upu e lafo.
2. E tāua lou moe manatunatu i fe’au o lumanai.
3. O le fa’amanuiaga, e lē o se mea e maua fua.
4. E lelei lou alu ese mai le Ali’i, a e leaga pe a tu’ua oe e Ia.

**ASO SA 22 ME 2022**

**MANATU AUTŪ: E LE FUATIA FA’A LE TAGATA LE ATUA.**  
(*God is not human*)

**Tusi Faitau:** Galuega 5: 1 - 11

**Matua:** Galuega 5: 3

**“A ua fai atu Peteru.” “Anania e, se a le mea ua faatumu ai e satani lou loto e te pepelo ai i le Agaga Paia, ma e tuu ai ma oe nisi mea o le tau o le fanua?”**

**Vaega:**

1. O le lotogatasi e fai se mea sese e i’u i le leaga.
2. Aua e te pepelo i le Agaga Paia.
3. O le manao tele le agasala.
4. E tāua lou tautala sa’o i lou olaga e te manuia ai.

**ASO SA 29 ME 2022**

**MANATU AUTŪ: OTI FA’A-MATURO.**  
(*Death of a Martyr*)

**Tusi Faitau:** Galuega 7: 54 – 60

**Matua:** Galuega 7: 58

**“Ua tūlei atu foi ia te ia i tua o le a’ai, ona latou fetogi lea ia te ia i ma’a; ua tu’u atu fo’i e molimau o latou ofu i le taulealea, o Saulo le igoa, e leoleo ai.”**

**Vaega:**

1. Amuia e oti mo le Ali’i.
2. O le tiakono lototele.
3. Aua le maumauina lou ola i le oa o le lalolagi.
4. O le ā se tatou sao mo le Talalelei a Keriso?.

**ASO SA 05 IUNI 2022 FA’AFOUINA**

**MANATU AUTŪ: TATOU MO LE ATUA.**  
(*We are for God*)

**Tusi Faitau:** Salamo 137: 1 – 6

**Matua:** Salamo 137: 1

**“Na matou nonofo i auvai o vaitafe i Papelonia, na fetagisi ai lava i matou, ina ua matou manatua Siona.”**

**Vaega:**

1. E a’oa’o mai le tuanai i le lumanai.
2. E tumau a le alofa o le Atua ia Samoa.
3. Aua nei maua ula futifuti.
4. Togi sau ma’a ina ia mau Samoa i lona Fa’avae.

**ASO SA 12 IUNI 2022**

**MANATU AUTŪ: Ō I LE ALI'I MA LE LOTO E TASI**  
*(Go to the Lord with one heart)*

**Tusi Faitau:** Salamo 133

**Matua:** Salamo 133: 1

**“Fa’auta o le mea e matuā lelei ma le matagofie lava, pe a  
nonofo fa’atasi lava o uso.”**

**Vaega:**

1. E lē faigofie ona tu’ufa’atasi loto o tagata.
2. O le tu’ufa’atasi o a’ao e māmā ai se avega.
3. O fea e amata mai ai le ola fealofani o tagata?
4. O ai e tu’u’aia pe ā ola fefulituaa’i se aulotu?

**ASO SA 19 IUNI 2022**

**MANATU AUTŪ: E TALI LE ATUA I A TATOU TATALO.**  
*(God answers our Prayers)*

**Tusi Faitau:** Isaia 38: 1 – 7

**Matua:** Isaia 38: 5

**“Alu ia, ina e fai atu ia Esekia, O loo faapea ona fai mai o le Ali’i le  
Atua o**

**Tavita lou tamā, Ua ou faalogo i lau tatalo, ua ou iloa ou loimata;  
faauta foi,  
ou te fa’aopoopo i aso o lou ola o tausaga e sefulu ma le lima**

**Vaega:**

1. O le fa’atoga ma le loto, e au i le ola.
2. A e talitonu i lau galuega e fa’atino, e tau i manū lou fa’amoemoe.
3. Aua e te fa’alotolotolua, nei maumau ou faiva.

4. Tamua i le ALII, auā e fai aso le ALII.

**ASO SA 26 IUNI 2022**

**MANATU AUTŪ: FO’I UA MAUTINOA.**  
*(Return with Confidence)*

**Tusi Faitau:** Luka 24: 13 – 35

**Matua:** Luka 24: 31 & 32

**“Ona pupula ai lea o la’ua mata, ua la iloa o ia; a ua mou o ia nai ia i  
lauh. Ona la fetautalatala’i lea, “E lei mu ea o ta loto i totonu i a i taua,  
ina ua fetalai o ia ia te i taua i le ala, ina ua fa’amatala mai fo’i e ia o Tusi  
ia te i taua?”**

**Vaega:**

1. E iloa oe i lau aganuu.
2. Aua e te manatu fa’atauva’a i se tagata e te feiloai i ai i luga o ala.
3. Fai se mea lelei e manatua ai oe.
4. O afea e mu ai o tatou loto ona o ia ua alofa mai?

**ASO SA 03 IULAI 2022 FA’AFUINA**

**MANATU AUTŪ: O LE ATUA NA TE LEOLEOINA LA  
TATOU MALAGA.**  
*(God is guiding our Journey)*

**Tusi Faitau:** Esoto 14: 15-22

**Matua:** Esoto 14: 15

**“Ona fetalai atu lea o le Atua ia Mose, se ā le mea ua e alaga  
mai ai ia te a’u? Fai atu i le fanauga a Isaraelu, ia o latou o  
atu pea ia.”**

**Vaega:**

1. Po ua lē alofa ‘ea le Atua?
2. ‘Aua le fefevale gofie i mea vaivai.
3. Ia mausali le ola fou ia Keriso.
4. Fa’atuatua ma talitonu i le Atua.

**ASO SA 10 IULAI 2022**

**MANATU AUTŪ: IA FAIA LE FINAGALO O LE ATUA.**  
*(Do God’s Will)*

**Tusi Faitau:** II Samuelu 10: 6-14

**Matua:** II Samuelu 10:12

**“Ia e fa’amalosi ma ia tatou fa’amalolosi mo lo tatou nu’u ma a’ai a lo tatou Atua, a ia faia e le Ali’i le mea e finagalo i ai o Ia.”**

**Vaega:**

1. Fa’amalolosi mo le Ali’i.
2. Ia tutumau ma loto tetele.
3. Ia faia ma le tonu le finagalo o le Ali’i.
4. Fa’amoemoe i le Ali’i e manuia ai.

**ASO SA 17 IULAI 2022**

**MANATU AUTŪ: VA’AI A’E I LE ATUA.**  
*(Look up to God)*

**Tusi Faitau:** I Tupu 17: 8-16

**Matua:** I Tupu 17:14e

**“E le uma le kate falaoa, e le fa’aitiitia le suau’u i le fagu, se’ia o’o i le aso e foa’iina mai ai e le Ali’i le ua i le laueleele.”**

**Vaega:**

1. O taimi faigata e iloa ai le ola fa’atuatua.
2. E lē fesiligia le alofa o le Atua.
3. O lu’itau o le ola.
4. Ia fa’amanūina le Suafa o le Ali’i.

**ASO SA 24 IULAI 2022**

**MANATU AUTŪ: O LE TAGI A LE TAGATA AGASALA.**  
*(Weeping of a sinful man)*

**Tusi Faitau:** Salamo 51: 1-12

**Matua:** Salamo 51: 2

**“Ia e matuā fufulu mai ia te a’u i la’u amio leaga, ma ia e fa’amamā mai ia te a’u i la’u agasala.”**

**Vaega:**

1. E leai sē e atoatoa i le ola nei.
2. Ia tulivae ma le loto salāmo moni.
3. Va’ai ifo, va’ai ane ia te oe lava.
4. E fa’amaoni le alofa o le Atua.



**ASO SA 31 IULAI 2022**

**MANATU AUTŪ: IA LAGONA LE FA'ATAUVA'A I LUMA O LE ATUA.**

*(Stay humble in the sight of God)*

**Tusi Faitau:** Ieremia 1: 1-10

**Matua:** Ieremia 1: 6

**“Ona a’u fai atu ai lea, “Aue, le Ali’i e, le Atua, fa’auta, ou te**

**lē iloa ona tautala, auā o a’u o le tamaitiiti.”**

**Vaega:**

1. E tāua le loto maualalo.
2. E fa’agaganaina e le Atua i tatou.
3. Tu’u i le Atua mea ua vaivai ai.
4. Ia fa’amaoni i le vala’auina.

**ASO SA 07 AOKUSO 2022 FAAFOUINA**

**MANATU AUTŪ: IA MAUTŪ LE FA’AVAE.**

*(A solid Foundation)*

**Tusi Faitau:** Mataio 7: 24-27

**Matua:** Mataio 7: 24

**“O lenei, ai se fa’alogo i a’u upu nei, ma faia e ia, ou te fa’atusaina o ia i le tagata poto, ua na faia lona fale i luga o le papa.”**

**Vaega:**

1. O Keriso le fa’avae mautū.
2. ‘Alo ese mai le ola lē fa’amaoni.
3. E nutipalaina le ola agasala.
4. O le Atua o le manumalo.

**ASO SA 14 AOKUSO 2022 ASO SA O TAMĀ.**

**MANATU AUTŪ: O LE TA’ITA’I LELEI.**

*(A good Leader)*

**Tusi Faitau:** Iosua 24: 14-19

**Matua:** Iosua 24: 15

**“Pe afai foi e leaga ia te outou ona auauna i le Ali’i, inā filifili ia o outou i le aso nei, po o ai tou te auauna i ai, po o atua na auauna i ai o outou tamā, o ē sa i le la itu o le vaitafe, po o atua o sā Amori, e o latou le nu’u ua outou nonofo ai, a o a’u nei ma lo’u aiga, matou te auauna i le Ali’i.”**

**Vaega:**

1. Ia fai ma fa’ata’ita’iga le tamā i mea lelei uma.
2. Ia savali i ala o le Ali’i.
3. Ia lē fefe e fai le amiotonu.
4. Ia fa’aalia le alofa o le Atua i mea uma.

**ASO SA 21 AOKUSO 2022**

**MANATU AUTU: O FA'AFITAU LI MA TIGA O LE OLA.**  
*(Problems and hardship of Life)*

**Tusi Faitau:** Mataio 11: 25-30

**Matua:** Mataio 11: 28

**“Ia outou o mai ia te a’u, o outou uma o ē tigaina ma mafatia i avega, o a’u fo’i e malolo ai outou.”**

**Vaega:**

1. Sa’ili i le Atua i mea ua tiga ai.
2. Ave’ese le lē mautonu.
3. E suamalie le ola galue.
4. Ia maua’a pea le fa’atuatua.

**ASO SA 28 AOKUSO 2022**

**MANATU AUTŪ: OLIOLI O LE LALOLAGI UMA.**  
*(Happiness of All)*

**Tusi Faitau:** Isaia 52: 7-12

**Matua:** Isaia 52: 7

**“E matuā matagofie i luga o mauga o vae o lē ua fai mai le tala lelei, o lē logologo mai le manuia.”**

**Vaega:**

1. Ia tapena i manuia a o’o mai.
2. Ua latalata mai ataata o ta’ulelei.
3. Ia vi’ia le Atua.

4. O le ā sa’oloto le pagota.

**ASO SA 04 SETEMA 2022 FAAFOUINA**  
**(ASO SA O LE TALALELEI)**

**MANATU AUTŪ: O LE MALAMALAMA O LE OLA.**  
*(The light of life)*

**Tusi Faitau:** Ioane 8: 12-20

**Matua:** Ioane 8: 12

**“O a’u nei o le malamalama o le lalolagi, o lē mulimuli mai ia te a’u, e lē savali o ia i le pouliuli, a e ia te ia le malamalama o le ola”**

**Vaega:**

1. Ua ia i tatou le Ali’i o le malamalama.
2. Ua pa’i mai le fa’aolataga.
3. Ua tineia le ola agasala.
4. O le taeao fou.

**ASO SA 11 SETEMA 2022**

**MANATU AUTŪ: O I TATOOU O AUAUNA.**  
*(We are servants)*

**Tusi Faitau:** Luka 22: 24-27

**Matua:** Luka 22: 27

**“Auā po o ai lē sili, o lē taoto ea e ‘ai, po o lē auauna mai? E le o lē ta’oto e ‘ai ea? A o a’u nei, o lo’o ia te outou pei o le auauna lava.”**

**Vaega:**

1. A fia avea ma muamua, ia mua’i auauna.
2. Soia le fia sili.
3. Ia fa’amaoni i lou vala’auina.
4. E saunia e le Atua manuia mo ‘oe.

**ASO SA 18 SETEMA 2022**

**MANATU AUTU: IA TAULA’I I LE ATUA MEA UMA E TE FAIA.**

*(Sighting God in whatever you do)*

**Tusi Faitau:** Luka 9: 23-27

**Matua:** Luka 9: 23

**“A fia mulimuli mai se tasi ia te a’u, ia fa’afiti o ia ia te ia, ma ave lona satauro i aso fai so’o, i le mulimuli mai ia te au.”**

**Vaega:**

1. E lē faigofie le ol.
2. Ia onosai ma fa’apalepale.
3. Ia talia tiga o le avea ma so’o.
4. E fa’avavau le alofa o le Atua.

**ASO SA 25 SETEMA 2022**

**MANATU AUTŪ: O FUA O LE ALOFA.**  
*(Fruits of love)*

**Tusi Faitau:** 1 Korinito 13: 1-7

**Matua:** 1 Korinito 13: 7

**“O le alofa e lavātia mea uma, e leai se mea e gata mai lona fa’atuatua, ma lona fa’amoemoe ma lona onosai”**

**Vaega:**

1. Onosai ma agamalū.
2. Ia lē losilosilo vale ma mana’o pea.
3. Ia tutumau i le fa’atuatua.
4. O lo tatou Atua lea.

**ASO SA 02 OKETOPA 2022 FAAFOUINA**

**MANATU AUTŪ: O FANAU, O MEAALOFA MAI LE ATUA.**  
*(Children are gifts from God)*

**Tusi Faitau:** Salamo 127: 3-5

**Matua:** Salamo 127: 3

**“Fa’auta, o le fanau o le tofi lea mai le Ali’i; o ē ua fanau mai, o le tau lea mai ia te ia”**

**Vaega:**

1. A'oa'o le tama e tusa ma ona ala.
2. O tama a manu, e fafaga i fuga o la'au, a o tama a tagata, e fafaga i upu ma tala.
3. Ia malu fanau i le alofa.
4. O le Atua le fa'asinomaga.

**ASO SA                      09 OKETOPA 2022                      LOTU TAMAITI**

**MANATU AUTŪ: TA'ITA'I FANAU I LE ATUA.**  
*(Lead the children to God)*

**Tusi Faitau:**                      Mareko 10: 13-16

**Matua:**                              Mareko 10: 14e

**“Ina tu'u mai ia o tamaiti e o mai ia te A'u, 'aia le vavao ia te i latou.”**

**Vaega:**

1. Ia ta'uta'u atu le Atua i fanau.
2. Ia tapenaina le lotoifale o le fanau.
3. Ia vaoia fanau i mea e leaga ai.
4. O mātua o ulua'i Faia'oga o le fanau.

**ASO SA                      16 OKETOPA 2022**

**MANATU AUTŪ: O LE FA'ATUATUA OLA.**  
*(Living Faith)*

**Tusi Faitau:**                      Iakopo 2: 14-17

**Matua:**                              Iakopo 2: 14

**“O'u uso e, se ā le aoga pe a fai mai se tasi ua ia te ia le fa'atuatua, a e le ia te ia galuega? E mafai ea e le fa'atuatua ona fa'aola ia te ia?”**

**Vaega:**

1. 'Aua le fa'alologo tiga.
2. Finau ma tauivi mo le ola.
3. 'Aua nei mate le fa'amoemoe.
4. O fa'amanuiaga mai le Atua.

**ASO SA                      23 OKETOPA 2022**

**MANATU AUTŪ: E TASI LAVA LE ATUA.**  
*(There is only one God)*

**Tusi Faitau:**                      Esoto 20: 1-6

**Matua:**                              Esoto 20: 3

**“Aua nei e fai mo oe ni atua ese i o'u luma.”**

**Vaega:**

1. Ia tausiusi i tulafono a le Atua.
2. Ia taumamao ma mea fa'afiafia o le ola.

3. E lē o le 'oa ma le tamaoaiga.
4. E lē o le poto ma le malosi.

**ASO SA 30 OKETOPA 2022**

**MANATU AUTŪ: AUA NE'I GALO FA'AMANUIAGA A LE ATUA.**

*(Do not forget God's Blessings)*

**Tusi Faitau:** Salamo 103: 1-5

**Matua:** Salamo 103: 2

**“Lo'u agaga e, ia e fa'amanū atu i le Ali'i, 'aua fo'i nei galo se mea e tasi o ana mea alofa.”**

**Vaega:**

1. O le ola ma fa'amanuiaga.
2. Ia e fa'amaoni i ou faiva.
3. Ia lē muta le ola vivi'i.
4. E silisili 'ese lava le Atua.

**ASO SA 06 NOVEMA 2022  
FA'AFOUINA**

**MANATU AUTŪ: O I TATOU O TAULAGA OLA MO LE ATUA.**

*(We are living sacrifices for our Lord)*

**Tusi Faitau:** Efeso 4: 11-16

**Matua:** Efeso 4: 11

**“O ana meaalofa fo'i, ia fai nisi ma aposetolo, o isi fo'i e fai ma perofeta, o isi fo'i e folafola le tala lelei, o isi fo'i e fai ma leoleo atoa ma a'oa'o.”**

**Vaega:**

1. I totonu o tatou aiga.
2. I totonu o tatou nu'u.
3. I totonu o le mālō.
4. I totonu o le galuega a le Atua.

**ASO SA 13 NOVEMA 2022**

**MANATU AUTŪ: O LE TAULAGA SILI O LE USITA'I.**

*(Obedience is the best offering)*

**Tusi Faitau:** 1 Samuelu 15: 20-23

**Matua:** 1 Samuelu 15: 22i

**“Fa'auta, o le fa'alogo e sili lea i le taulaga, ma le usiusita'i e sili lea i le ga'o o mamoe po'a.”**

**Vaega:**

1. Ia fa'alogo i le Atua.
2. Ia lafoa'i le mana'o i le 'oa.
3. Savali i ala o le Ali'i e manuia ai.
4. E silasila le Atua i lou loto.

**ASO SA 20 NOVEMA 2022**

**MANATU AUTŪ: ‘AVE MEA UMA I LE ATUA.**  
*(Give all to our Lord)*

**Tusi Faitau:** Mareko 12: 41-44

**Matua:** Mareko 12: 44

**“Auā o i latou uma, ua latou lafo nisi mea mai a latou mea ua tele, a o ia ua mativa, ua ia lafo ana mea uma sa ia te ia, o ana mea uma e ola ai.”**

**Vaega:**

1. Foa’i ma le loto atoa.
2. Aua le ola fa’atusatusa.
3. Ia fa’afetaia le Atua.
4. E le fa’atusaina le Taulaga Sili na faia e le Atua.

**ASO SA 27 NOVEMA 2022 ETIVENI**

**MANATU AUTŪ: O LE MANUIA O LE TAGATA ONOSA’I.**  
*(Blessings upon a patient man)*

**Tusi Faitau:** Iopu 42: 12-17

**Matua:** Iopu 42: 12

**“Ua sili foi ona fa’amanuia e le Ali’i o le gataaga o Iopu i lona amataga.”**

**Vaega:**

1. E manuia le tagata tutumau i le Atua.
2. E suamalie le soifua tauivi.
3. E tua lelei le onosai i tiga.
4. O le Atua o manuia.

**ASO SA 04 TESEMA 2022 FA’AFOUINA**

**MANATU AUTŪ: TAPENA O TATOU TAGATA MO LE ATUA.**

*(Prepare ourselves for the Lord)*

**Tusi Faitau:** Ioane 1: 9-23

**Matua:** Ioane 1:23

**“Ona fa’apea atu ai lea o ia. “O a’u o le leo o lē alaga i le vao. Ina**

**Fa’alaulelei ia le ala o le Ali’i, fa’apei ona fai mai o le Perofeta o Isaia.”**

**Vaega:**

1. Ia tapena o tatou loto mo le Ali’i.
2. Ia suatia pa vaeloto o le faitaga’i.
3. Alofa i lou tuaoi.
4. Ia atagia i o tatou ola le alofa o le Atua.

**ASO SA 11 TESEMA 2022**

**MANATU AUTŪ: O LE MEAALOFA SILISILI.**

*(The greatest gift of all)*

**Tusi Faitau:** Ioane 3:16-21

**Matua:** Ioane 3:16

**“Auā ua fa’apea lava ona alofa mai o le Atua i le lalolagi, ua ia**

**aumai ai lona Atali’i e to’atasi ina ia le fano se tasi e faatuatua**

**ia te ia, a ia maua e ia le ola fa’avavau.”**

**Vaega:**

1. O le alofa ua atoatoa.
2. O le alofa faamagalo.
3. O le alofa e lē faapito.
4. O le Togiola mo tagata uma.

**ASO SA 18 TESEMA 2022**

**MANATU AUTŪ: IA PUPULA MAI LOU MALAMALAMA.**

*(Let your light shine)*

**Tusi Faitau:** Mataio 5: 14-16

**Matua:** Mataio 5: 14

**“O outou, o le malamalama o le lalolagi outou, e lē mafai ona**

**lilo le a’ai ua tu i luga o le mauga.”**

**Vaega:**

1. Ia pupula lou ola mo le Ali’i.
2. Ia fa’apogisaina mea e malaia ai.
3. Tu’u i luga lau lamepa.
4. O le Atua, o le malamalama ia.

**ASO SA  
KERISIMASI**

**25 TESEMA 2022**

**ASO**

**MANATU AUTŪ: UA FANAU MAI LE TAMA.**

*(A child is born)*

**Tusi Faitau:** Isaia 9: 6-7

**Matua:** Isaia 9: 6

**“Auā ua fanau mai mo i tatou le tama, ua foa’iina mai mo i tatou le atali’i, e i lona ua le mālō, e igoa fo’i o ia o le Silsili ese, o le Faipule, o le Atua malosi, o le Tamā o le fa’avavau, o le Ali’i o le filemu.”**

**Vaega:**

1. Ua ia i tatou le Atua.
2. Ia saunia o tatou loto mo le Mesia.
3. Lafoa’i mea leaga uma.
4. Ia fanaufouina lo tatou ola.